



Pou Piblikasyon Imedya: 12/10/2023

GOUVÈNÈ KATHY HOCHUL

GOUVÈNÈ HOCHUL ANONSE NOUVO PLAN AKSYON KI GEN 10 PWEN POU ELAJI ENDISTRI ENÈJI RENOULAB AK SIPÒTE BON JAN KALITE TRAVAY PWÒN NAN ETA NEW YORK

Deskri aksyon konplè Eta pou poze baz pou kwasans endistri alavni yo

*Sipòt pwogrè nan direksyon pou atenn objektif Lwa sou Klima New York yo ki
enkli jwenn 70 pouzan elektrisite nan Eta a soti nan sous enèji renouvlab yo rive
2030*

Gouvènè Hochul te anonse jodi a piblikasyon yon nouvo Plan Aksyon ki gen 10 Pwen pou elaji ak sipòte endistri enèji renouvlab a gwo echèl k ap grandi nan New York, ki reyafime angajman Eta a pou atenn objektif Lwa Klimatik yo. Plan an eslike yon seri aksyon konplè y ap pran pou poze baz pou yon avni dirab pou tout Nouyòkè yo atravè ekspansyon ekonomi enèji pwòp Eta a k ap grandi ak sektè enèji renouvlab la.

"Sipò solid, kontinyèl pou elaji sektè enèji renouvlab la enpòtan anpil pou reyalize tout potansyèl ekonomi vèt nou an epi pou pwoteje Nouyòkè yo kont kriz klimatik la",
Gouvènè Hochul te deklare. "Plan aksyon 10 pwen sa a souliye angajman nou pou n abòde defi sektè sa a ap rankontre nan tout peyi a epi li ranfòse detèminasyon nou pou ogmante efò nou pou bay tout Nouyòkè enèji pwòp ak abòdab."

Plan Aksyon ki gen 10 pwen yo te pibliye jodi a detay yon seri referans ak aktivite ke yo prevwa pou mwa k ap vini yo, ki ofri yon apèsi sou fason administrasyon Gouvènè a planifye pou simonte dènye defi makwo-ekonomik ak inflasyon ki te afekte sektè enèji renouvlab la.

Aksyon 1: Akoutèm, NYSERDA pral anonse yon seri prim istorik ki gen ladan pwojè enèji renouvlab tèrès ak olaj zòn kot, ansam ak gwo envestisman nan chèn apwozyònman an. Prim sa yo pral make youn nan pi gwo akizisyon enèji renouvlab ki te jamm fèt pa nenpòt eta jiska jounen jodi a epi yo pral demontre angajman Eta New York pou sipòte pwojè enèji renouvlab yo ak pwomote enèji renouvlab a gran echèl yo.

Aksyon 2: NYSERDA pral adrese direktiv yo te pibliye nan Dekrè Komisyon Sèvis Piblik (Public Service Commission, PSC) oktòb 2023 epi li pral evalye enpak sou kontra nan pòtfèy enèji renouvlab a gran echèl li a fason rapid.

Aksyon 3: NYSERDA pral lanse yon pwosesis akizisyon enèji renouvlab akselere pou alafwa pwojè enèji renouvlab tèrès ak olaj zòn kot, ki vize konble nenpòt pwojè ki gen kontra ki sispann. Pwosesis la pral gide pa prensip debaz yo, ki gen ladan priyorize konpetisyon, senplifye kondisyon òf yo, enkòpore endis enflasyon, aplike pwoteksyon travay enpòtan yo ak kolabore ak endistri pou optimize kalandriye akizisyon akselere, tout pandan y ap kowòdone ak inisyativ planifikasyon transmisyon kontinyèl yo.

Aksyon 4: New York pral kontyne angaje aktivman ak gouvènman federal la pou pote solisyon mache yo, soti nan etabli yon Memorandòm Konpreyansyon (Memorandum of Understanding, MOU) ak Biwo Pwogram Prè Depatman Enèji (Department of Energy, DOE) Ameriken an pou jwenn aksè ak finansman nan pri ki ba pou gwo pwojè renouvlab yo, pou defann konsèy ajou sou kredi taks sou enèji pwòp ak yon pwogram pataj revni Federal-Eta.

Aksyon 5: New York ap investi nan, ak planifikasyon aktivman, yon konstriksyon istorik nan enfrastrikti transmisyon atravè eta a ki gen ladan 4.4 milya dola nan 62 pwojè transmisyon lokal pou sipòte integrasyon enèji pwòp nan zòn nò yo; 4.1 milya dola nan amelyorasyon transmisyon pou entegre enèji ewolyè ak ogmante fyabilite pou Long Island ak Vil New York; mande plis solisyon pou satisfè bezwen transmisyon enèji ewolyèn olaj zòn kot Vil New York la; epi kolabore ak lòt eta yo ak ajans federal yo sou transmisyon entèreyonal pou diminye depans yo.

Aksyon 6: New York ap sipòte etablisman ak kwasans yon ekosistèm chèn apwovizyonman pou ede mache a evolye, jwenn efikasite, epi redwi depans yo. Eta a ap investi 700 milyon dola nan enfrastrikti chèn apwovizyonman enèji ewolyèn olaj zòn kot pandan y ap travay tou ak lòt eta ak ajans federal yo pou kolabore ak diminye depans yo atravè yon vizyon pataje pou yon chèn apwovizyonman Ameriken

Aksyon 7: New York pran angajman pou konstwi ak agrandi mendèv enèji pwòp li a. Jiska prezan, NYSERDA te angaje plis pase 170 milyon dola pou devlopman mendèv ak inisyativ fòmasyon, ki bay priyорite ak popilasyon priorité yo, kominate defavorize yo, ak travayè konbistib fosil antranzisyon yo nan karyè enèji pwòp yo. Apati 2024, Otorite Enèji New York (New York Power Authority, NYPA) pral ranfòse angajman sa a davantaj lè li kontribye jiska 25 milyon chak ane nan Depatman Travay (Department of Labor, DOL) pou fòmasyon travay sou enèji renouvlab, sa ki garanti yon Tranzisyon Jis pou travayè enèji yo. Anplis de sa, NYSERDA nan devan liy lan nan priyorize devlopman mendèv, enklizyon, ak ekite nan gwo endistri renouvlab New York la.

Aksyon 8: New York te lanse Plan Direktè 2.0 pou Enèji Ewolyèn Olaj Zòn Kot an 2022, ki pral bay yon plan pou avni devlopman enèji ewolyèn olaj zòn kot la, ki enkli nan dlo ki pi fon, ki pral pèmèt ekspansyon endistri a ak kapasite pou atenn objektif devlopman rejyonal yo. Lè yo planifie epi chèche yon ogmantasyon nan zòn lokasyon ki disponib yo, New York t ap elaji aksè ak zòn kot ki nesesè yo pou òganize pwojè yo, ogmante konpetisyon sou mache a ak elaji gwoup devlopè yo, pandan l ap prezante nouvo lide ak inovasyon pou diminye depans yo.

Aksyon 9: New York ap angaje aktivman ak pati konsène endistri yo epi li pral ogmante kontak sa yo apre dekrè PSC a atravè diskisyon tablewonn pou resevwa opinyon nan fasone estrateji enèji pwòp nou an.

Aksyon 10: New York angaje anpil pou ankouraje angajman piblik, transparans, ak kolaborasyon, paske li rekonèt enpòtans pou enplike divès pati konsène yo nan fòme inisyativ enèji pwòp nou yo.

Prezidan ak Direktè Egzekitif Jeneral NYSERDA, Doreen M. Harris, te deklare, "NYSERDA rete fèm nan angajman li pou l devlope pwojè enèji renouvlab nan non Nouyòkè yo epi li fyè pou l montre plan sa a ki finalman kaptive vizyon estratejik Gouvènè Hochul genyen pou devlope yon endistri enèji renouvlab ki dinamik. Pandan mwa kap vini yo, nou pral montre nasyon an kijan pou rekilibre kolektivman an fas a yon mache renouvlab k ap evolye epi n ap abòde defi enèji ak chèn apwovizyonman k ap grandi a tèt pou tèt nan yon fason konplè, efikas ak responsab."

Plan Aksyon sa a sèvi pou ranfòse devouman Eta New York pou devlopman enèji pwòp, dirabilite, ak kwasans ekonomik epi li sipòte pwogrè Eta a nan direksyon pou atenn objektif Lwa Klimatik yo, ki gen ladan jwenn 70 pousan elektrisite Eta a soti nan sous renouvlab yo apati 2030.

Plan Klimatik Nasyonal Eta New York ki Alatèt Peyi a

Ajanda klimatik Eta New York la ki se lidè nan nasyon an fè apèl ak yon tranzisyon ki metodik epi ki jis ki kreye djòb ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 pousan, avèk yon objektif 40 pousan, nan avantaj envestisman enèji pwòp yo ale nan kominote defavorize yo. New York, ki oryante pa kèk nan inisyativ klima ak enèji pwòp ki pi agresif nan peyi a, sou pwen pou reyalize yon sektè enèji zewo emisyon vè 2040, ki enkli 70 pousan pwodiksyon enèji renouvlab vè 2030, ak netralite kabòn nan tout ekonomi an vè mwatye syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 3.3 milya pou devlope enèji solè, plis pase 1 milya dola pou inisyativ transpò pwòp ak plis pase 2 milya dola nan angajman NY Green Bank yo. Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans plis pase 3,000 pousan nan sektè solè distribiye a depi 2011. Pou diminye emisyon gaz ki lakòz efè sè ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouvo machin pasaje yo ak kamyon pwa lejè yo vann nan Eta a gen zewo-emisyon disi 2035. Patenarya yo ap kontinye fè aksyon klimatik New York la avanse avèk apeprè 400 Kominote Entelijans Klimatik ki anrejistre ak 100 Kominote ki sètifye, apeprè 500 Kominote Enèji Pwòp, ak pi gwo inisyativ kontwòl lè kominotè Eta a nan 10 kominote devavorize atravè eta a pou ede sible polisyon lè epi konbat chanjman klimatik la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

ANILE ENSKRIPSYON OU